

Sancionnan pisa ta cayriba esunnan cu ta benta sushi afo den dumpnan ilegal

ORANJESTAD – Ministerio Publico a bin cu sancionnan basta pisa riba esunnan cu ta benta sushi afo den dumpnan ilegal. Esaki a sali na cla durante di un reunion di e comision fiho di medio ambiente.

Segun presidente di e comision, parlamentario Donny Rasmijn e comision di medio ambiente tabata tin un reunion diahuebs riba e problematica di e dump di Sabanilla Abao. Esaki tabata un reunion entre dos comision. Tabata e comision di VROM y esun di bienestar.

4 punto

A trata cuater punto cu tabata e bestek pa e Waste-To-Energy Project di Parkietenbos y di dos tabata e ley di medio ambiente. E miembronan kier sa ki tempo ta haya nan. Parce cu ta muestra cu por hay'e den dos luna, segun Rasmijn, pa asina por keur esaki den Staten. Despues a toca tambe e parti di asbest. Segun cu por mira kico ta pasando cu e asbest di e tuberianan di WEB, e isolacion cu ta contene asbest

e manera cu nan a kita nan y esey tambe tabata un punto. Riba e punto ey gobierno a bisa cu nan ta trahando cu DTI pa nan bin cu un landsbesluit, pa asina nan por bay bin cu un manera cu nan ta bay handle asbest y haci'e un ley y bin cu sancionnan pa e companianan cu ta kibra e ley. Por ultimo a reuni riba e dumpnan ilegal y tambe riba e dump nobo cu gobierno a pone na Sabanilla Abao.

Un rapport pa un tereno

Gobierno a splica con nan a bin na kies e luga ey. A cuminsa na presenta e rapport sero tolerancia. Por corda cu den pasado tabata tin basta grito den pueblo. Hopi molester tabata tin riba tur e dumpnan ilegal cu tabata tin riba nos pais y cu nada no por a wordo haci cu nan. Den Staten a bataya basta riba e punto aki y a aproba un mocion unda cu ta pidi gobierno pa cera tur e dumpnan ilegal.

No por tira sushi riba tereno priva

Finalmente e dumpnan ile-

gal a wordo cera. Un cambio grandi a wordo haci tambe den Algemene Politie Verordening, unda cu personanan cu tin terenonan priva, cu nan no mag di tira sushi den dje tampoco. E fenomeno cu hopi hende cu nan tin nan terenonan y nan ta saca tera for di dje, piedra for di nan y nan ta bende nan, despues nan mes ta keda cu un buraco. Nan ta busca un manera pa yena e buraco ey pa asina nan por tin un balor economico. E buraconan ey tabata wordo yena cu delaster un sushi cu por wordo treci eynan y por a wak cu despues di 2005 cu gobierno anterior a introduci e tipping fee, k pa companianan y tambe a bin ta cobra ciudadanonan tambe 10 florin pa cada sushi cu nan bay benta na dump na Parkietenbos.

Ilegal kierenmen pornada

Esey a resulta cu a laga hopi negoshi chikito a lanta pasobra hopi hende tabata piki sushi y nan ta hib'e bay benta den un dump ilegal cu ta hopi mas barata cu na e dump na Parki-